

DANUBE
DAY



Danube Art Master 2015

Aktiviraj se!

Uključite se u obilježavanje "Dana Dunava" i pomozite da osiguramo sigurnu budućnost za rijeku Dunav, kao i njene pritoke. Nastavljajući se na pozitivan odziv prošle godine, kada se na međunarodno takmičenje "Danube Art Master" prijavilo hiljade učenika iz 14 zemalja, koje pripadaju Dunavskom slivu, ove godine u saradnji sa ICPDR I GWPCEE ponovo organiziramo ovo takmičenje.

Svaki učenik čija se škola, organizacija, dnevni centar, produženi boravak, udruženje djece, nalazi u Dunavskom bazenu, pozvan je da sam ili sa svojim kolegama napravi umjetnički rad koji na najbolji način prikazuje doživljaj rijeke, i na taj način se uključi u ovo međunarodno takmičenje. Ovo je vaša šansa da postanete „**Danube Art Master 2015**“.

Ovo ambiciozno takmičenje, koje uključuje 14 zemalja, ujedinilo je učenike u regionu, a veliki broj i raznolikost radova koji su poslani, pravi su odraz raznolikosti i bogatstva dunavskog sliva.



DETALJI TAKMIČENJA

Ovo je izazov za svakog učenika, koji ide u školu koja se nalazi u Dunavskom slivu, a ima između 6 i 16 godina, da napravi svoje „okolišno umjetničko djelo“ inspirisano rijekom Dunav, ili nekom od pritoka. Ovo takmičenje ohrabruje i poziva učenike da posjete lokalnu rijeku, osjete i razmisle šta **okoliš rijeke** znači njima, i svim ljudima koji tu žive. U skladu sa ciljevima „Dana Dunava“, takmičenje motivira učenike da razmisle o viziji za rijeku Dunav, koja će zadovoljiti raznolike potrebe različitih nacija i naroda koje žive u slivu rijeke Dunav, kao i različitog prirodnog i životinjskog svijeta.

Učešćem u ovom takmičenju, učenici će naučiti nešto novo o slivu rijeke Dunav, i mogu odigrati ulogu u zaštiti i očuvanju pritoka ili samog Dunava.

OSVOJI FANTASTIČNE NAGRADE!

Takmičenje će se i ove godine odvijati na dva nivoa: nacionalni (BiH) i međunarodni nivo. Pobjednici na nivou Bosne i Hercegovine, biće proglašeni na manifestaciji obilježavanja „Dana Dunava“, i pobjednički rad će predstavljati našu zemlju na međunarodnom takmičenju. **Nagrada za najbolji rad je na nivou BIH je tablet – računar (mini-kompjuter).**

Pobjednički rad iz BiH, će učestvovati u izboru najboljeg rada Danube Art Master, a ukoliko pobjedi na međunarodnom nivou, za pobjednika na međunarodnom nivou **nagrada je digitalna kamera GO-PRO.**

KAKO UČESTVOVATI

Sve što trebate za učešće u ovom takmičenju je kreativnost i inspiracija. Za učešće u ovom takmičenju, organizirajte izlet na rijeku koja pripada Dunavskom slivu. Ideja je da učenici budu inspirisani **onim što vide na rijeci i njenim obalama i da koristeći materijale koje nađu na obalama rijeke naprave trodimenzionalno umjetničko djelo na obalama rijeke.** To znači da u obzir dolaze razne skulpture, slike, mozaici ili kolaži, napravljeni od materijala kao što su kamen, naplavljeno drvo, bilje, blato ili čak smeće.

Posebna tema ove godine je „**Najveća Dunavska maskarada**“, gdje se ohrabruju učenici da inspirisani okolišem i materijalima sa obala rijeke, naprave jedinstvenu garderobu. Video snimci pravljenja umjetničkog rada i odjeće ukrašene materijalima iz rijeke su dobrodošli. Crteži i slike na papiru, zidu, pločniku/trotoaru ili pijesku ili nekoj sličnoj površini neće biti prihvaćeni.

Učenici bi trebali da razmisle o tome šta rijeke znače njima, i ilustriraju to svojim 3D (trodimenzionalnim) kreacijama.

Za učešće potrebno je da napravite fotografiju u boji i pošaljete na adresu Ekotim-a. Fotografije mogu biti u elektronskoj ili štampanoj formi (odnosno rađene digitalnim ili klasičnim foto-aparatom). Digitalne fotografije moraju biti u JPEG formatu i minimalne veličine 1 MB (150dpi). Štampane fotografije moraju biti najmanje 15x20 cm, na standardnom foto-papiru.

Fotografije se trebaju poslati na adresu:

Udruženje za zaštitu i unapređenje okoliša, prirode i zdravlja

Ekotim, Grbavička 50, 71000 Sarajevo

Bosna i Hercegovina

e-mail: ekotim@bih.net.ba

dam@ekotim.net www.ekotim.net

Rok za dostavljanje radova za učešće na ovom takmičenju je 20. juni 2015.

Pravila takmičenja:

Odluka komisije/sudaca/ je finalna. Pobjednici će biti obavješteni putem e-maila. Neće biti dodatne korespondencije vezano za takmičenje. Nagrade se ne mogu zamijeniti niti njihova vrijednost može biti isplaćena u gotovini. Uposlenici ICPDR, GWP CEE, kao i nacionalni organizatori, i ostali uključeni u promociju “Dana Dunava”, njihovi zastupnici, članovi i članovi njihovih porodica i rodbine (definirani kao roditelji, supružnici, djeca, rođaci i članovi domaćinstva)

Takmičenje je otvoreno za djecu uzrasta od 6 do 16 godina u 2015.g. Crteži i slike na bilo kakvoj podlozi su isključeni. Učešće u takmičenju podrazumjeva saglasnost da se imena pobjednika i radova mogu koristiti javno u promociji “Dana Dunava”, “Danube Art Master” takmičenja, te objavljivati na web stranicama koje služe za promociju ovih naslova kao što su “Danube day” web site i stranicama organizatora, kao i drugim medijima.

Posjetite www.danubeday.org za više inspiracije!

Nagrade

Nagrade na nacionalnom nivou su različite od zemlje do zemlje, a za nivo Bosne i Hercegovine, ove godine **nagrada je tablet – računar (mini-kompjuter), (SmartPad Go 9“)**, a za pobjednike na međunarodnom nivou predviđena je nagrada u vidu **GO PRO digitalne kamere**.

Informacije o Dunavskom bazenu i Danu Dunava

Dunav sa svojim pritokama, predstavlja jedan od najvažnijih riječnih sistema. Kroz istoriju, Dunavski sliv imao je ključnu ulogu u političkom, socio-ekonomskom i kulturnom razvoju, centralne i jugoistočne Europe.

To je “najmeđunarodniji” riječni sliv na svijetu, koji pokriva 817.000 km², ili oko 10% površine Evrope. Od Crnih šuma do crnog mora, Rijeka protiče preko više od 2850 km, povezujući više od 80 miliona ljudi u Njemačkoj, Austriji, Češkoj, Slovačkoj, Mađarskoj, Sloveniji, Hrvatskoj,



Bosni i Hercegovini, Srbiji, Crnoj Gori, Rumuniji, Bugarskoj, Moldaviji i Ukrajini.

Rijeke su osnova za život, energiju, hranu, vodu, transport i rekreaciju. Dunavske močvare kontroliraju zagađenje i pročišćavaju otrove iz vode. Rijeke su komercijalna veza širom Evrope i ujedanjuju snage zajednica sa različitim kulturama, jezikom i istorijom. Dunav je najvažnije Europsko stanište divljine. Zapanjujućih 320 vrsta ptica je pronađeno samo na ušću Dunava.

Tokom posljednjeg stoljeća, Dunav i njegova divljina, pretrpjeli su značajne gubitke. Sliv je sada ostao sa samo 20% od bivšeg plavnog područja, a od toga samo pola je u skoro prirodnom stanju; zagađenje uništava neka područja, mnoge dionice, pritoke i rukavci su ozbiljno izmijenjeni.

Skoro 70% rijeka u Bosni i Hercegovini, mnoge od njih veoma zagađene, ulijevaju se u rijeku Savu, a potom u Dunav.

29. juna 1994. Konvencija o zaštiti rijeke Dunav je potpisana u cilju da identificira i riješi ove probleme i uspostavljena je Međunarodna komisija za zaštitu rijeke Dunav. (ICPDR).

Rad koji je uslijedio je bio uspješan i napravio ICPDR model za mnoge druge riječne slivove.